



## СЭЛЭНГЭ АЙМГИЙН ЗАСАГ ДАРГЫН ЗАХИРАМЖ

2020 оны 10 сарын 26 өдөр

Дугаар А/281

Сүхбаатар сум

### Ургацын штаб байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.3, 29.1.6, 29.2 дахь заалтыг тус тус үндэслэн ЗАХИРАМЖЛАХ нь:

1. Ургац хураалтын ажлыг технологит хугацаанд явуулах, сумдын ургацын штаб, аж ахуй нэгж, иргэдээс ирүүлсэн санал, хүсэлтийг шуурхай шийдвэрлэх зорилго бүхий аймгийн ургацын штабын бүрэлдэхүүнийг нэгдүгээр, ургацын штабын гишүүдийн хариуцсан сум, ажил үүргийн хуваарийг хоёрдугаар, жижүүрийн хуваарийг гуравдугаар хавсралтаар тус тус баталсугай.

2. Аймгийн ургацын штабын даргад даалгах нь:

2.1. Хүнс, хөдөө аж ахуйн газар 2020 оны 10 дугаар сарын 01-ны эдрөөс эхлэн ургац хураалт дуусах хүртэл хугацаанд ургацын штабыг байрлуулж, шаардлагатай үед уртасгасан цагаар ажиллуулах.

2.2. Ургацын штабын жижүүрүүд хуваарийн дагуу ажиллаж байгаа эсэх, сумдаас ирүүлсэн явцын мэдээний бодит байдалд хяналт тавих, ирүүлсэн санал хүсэлтийг шуурхай шийдвэрлэж хариу өгөх.

3. Аймгийн ургацын штабын гишүүдэд даалгах нь:

3.1. Хариуцсан сумын ургацын штабыг удирдлага зохион байгуулалтаар хангаж, ургац хураалтын бэлтгэл ажлыг бүрэн хангуулж, байнгын ажиллагаатай эсэхэд нь хяналт тавих, балансар тогтоогдсон ургацыг бүрэн хураалгах зохион байгуулалтын арга хэмжээг авч ажиллах.

#### 4. Сумдын Засаг дарга нарт даалгах нь:

4.1. Ургац хураалтад шаардлагатай ажиллах хүн хүч, техник, шатахуун, тээвэр, үтрэм, агуулах, зоорины бэлэн байдлыг хангуулах, хүсэлт гаргасан иргэн, аж ахуй нэгжүүдэд техникээр үйлчлэх ажлыг сум дотор нь зохион байгуулах, дутагдалтай ажиглах хүчний судалгааг азч, хүн хүчээр хангах.

4.2. Сумын ургацын штабыг байгуулж, штабын гишүүдийн ажил үүргийн хуваарийг баталж, ургац хураалтын ажлыг шуурхай зохион байгуулж, шаардлагатай арга хэмжээг авч ажиллах.

4.3. Ургац хураалтад ажиллах техникийн засвар үйлчилгээг чанартай хийлгэж, уртасгасан цагаар ажиллах нөхцөл бололцоогоор хангаж, хөдөлмөрийн аюулгүй байдал, эрүүл ахуйн зааврыг танилцуулан мөрдүүлж ажиллах арга хэмжээ авч хэрэгжүүлэх.

4.4. Техникгүй иргэн, аж ахуйн нэгжид үйлчилгээ үзүүлэхдээ тухайн орон нутгийн баталсан жишиг үнэлгээг мөрдөж ажиллах.

4.5. Ургац хураалтын явцын мэдээг долоо хоног бүрийн Даваа, Пүрэв гаригийн 12:00 цагаас өмнө аймгийн ургацын штабт /утас-70363500/ тогтмол илтгэх, мэдээний бодит байдалд хяналт тавьж, цаг агаарын мэдээг аж ахуй нэгж, иргэдэд шуурхай хүргэх ажлыг зохион байгуулах.

4.6. Сумдын Газар тариалан хариуцсан мэргэжилтнүүдийн үүрэг хариуцлагыг өндөржүүлж удирдлага зохион байгуулалтаар хангаж ажиллах.

4.7. 2020 оны оны ургац хураалтаас, 2021 оны хаврын тариалалтад шаардагдах улаан буудайны үрийг 100 хувь нөөцлүүлэх арга хэмжээг авч, дүн мэдээг хугацаа хоцроохгүй мэдээлэх.

4.8. Хүнс, хөдөө аж ахуй, хөнгөн үйлдвэрийн сайд, Хууль зүй дотоод хэргийн сайд, Сангийн сайдын хамтарсан 2018 оны А-136/ а-158/210 дугаар тушаалаар батлагдсан "Тариалангийн талбайд мал, тэжээвэр амьтан орсны улмаас тариалангийн үйлдвэрлэл эрхлэгчид учруулсан хохирлыг тооцох аргачлал"-ын 3.1-д заасны дагуу ажлын хэсгийн бүрэлдэхүүнийг томилон, ургацын балансаар тогтоогдсон ургацыг мал, амьтдаас хамгаалж тариалангийн талбайд мал оруулахгүй байх арга хэмжээг тариаланч, малчидтай хамтран зохион байгуулах.

#### 5. Ургацын штабын жижүүрт даалгах нь:

5.1. Штабын жижүүр батлагдсан хуваарийн дагуу ажлын цагаар жижүүрийн үүрэгт ажлыг гүйцэтгэх


5.2. Ургац хураалтын явцын мэдээг жижүүрийн дээтэрт тодорхой тэмдэглэж, ирүүлсэн мэдээний бодит байдалд хяналт тавих, мэдээ ирүүлээгүй сумдын холбогдох албан тушаалтнуудтай холбогдон мэдээг заавал авах.

5.3. Сумдаас ирүүлсэн явцын мэдээг хянан нэгтгэж, улсын болон аймгийн ургацын штаб, холбогдох хэлтэс, агентлагийн удирдлагуудыг мэдээ, мэдээллээр хангах, ирүүлсэн санал хүсэлтийг ажлыг шуурхай шийдвэрлэх.

6. Аймаг, сумын ургацын штабыг цаг уурын урьдчилсан мэдээ, мэдээллээр тасралтгүй хангаж ажиллахыг Ус цаг уур, орчны шинжилгээний төвийн даргын үүргийг түр орлон гүйцэтгэгч /З.Энхсэлэнгэ/-д даалгасугай.

7. Захирамжийн хэрэгжилтэд хяналт тавьж ажиллахыг Засаг даргын орлогч /Ж.Сайнцог/-д даалгасугай

ЗАСАГ ДАРГА



ШОРГИЛ